

Na osnovu člana 94. a u vezi sa članom 88. Zakona o osnovnom odgoju i obrazovanju „Službene novine Kantona Sarajevo“, broj:23/17, 33/17, člana 6. Pravilnika o radu JU OŠ „Mehmed-beg Kapetanović Ljubušak“, članom 71. Pravila JU OŠ " Mehmed-beg Kapetanović Ljubušak ", člana 3. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo „Službene novine Kantona Sarajevo, broj: 35/17, odluke Školskog odbora JU OŠ „Mehmed-beg Kapetanović Ljubušak“ broj: 5-245/18.od 30.07.2018. godine uz Saglasnost Ministra za obrazovanje, nauku i mlade Kantona Sarajevo broj: 11-34-27750-5/18 od 11.07.2018. godine raspisuje se:

KONKURS
za prijem u radni odnos

1. Nastavnika/nastavnicu engleskog jezika ... 1 izvršilac, 16 časova nastavne norme sedmično, na određeno vrijeme od 01.09.2018. godine do 31.08.2019. godine;
 2. Nastavnika/nastavnicu informatike ... 1 izvršilac, 12 časa nastavne norme sedmično, na određeno vrijeme od 01.09.2018. godine do povratka radnika sa funkcije direktora škole, a najkasnije do 31.08.2019. godine;
 3. Nastavnika/nastavnicu tehničke kulture ... 1 izvršilac, 6 časova nastavne norme sedmično, na određeno vrijeme od 01.09.2018. godine do povratka radnika sa funkcije direktora škole, a najkasnije do 31.08.2019. godine;
 4. Nastavnika/nastavnicu informatike i tehničke kulture ... 1 izvršilac, 4 časa nastavne norme sedmično (osnove tehnike)na određeno vrijeme od 01.09.2018. godine do povratka radnika sa funkcije direktora škole, a najkasnije do 31.08.2019. godine;
 5. Nastavnika/nastavnicu tehničke kulture... 1 izvršilac, 8 časova nastavne norme sedmično, na određeno vrijeme od 01.09.2018. godine do 31.08.2019. godine;
 6. Nastavnika/nastavnicu katoličkog vjeronauka ... 1 izvršilac, 1 čas nastavne norme sedmično, na određeno vrijeme od 01.09.2018. godine do 31.08.2019. godine;
 7. Nastavnika/nastavnicu razredne nastave ... 1 izvršilac, 20 sati sedmično, na određeno vrijeme od 01.09.2018. godine do 31.08.2019. godine;
- Pored općih uslova utvrđenih Zakonom o radu („Službene novine F BiH“ 26/16) za zasnivanje radnog odnosa, kandidati treba da ispunjavaju i posebne uslove predviđene Zakonom o osnovnom odgoju i obrazovanju Kantona Sarajevo, Nastavnim planom i programom za osnovnu školu i Pedagoškim standardima i normativima za osnovnu školu.

Uz potpisanu prijavu sa kratkom biografijom kandidati su dužni dostaviti:

1. **OBAVEZNA DOKUMENTACIJA (kopije)**
 - a. svojeručno potpisana pisana prijava na konkurs sa kratkom biografijom, kontakt podacima kandidata, tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
 - b. diploma o stečenoj stručnoj spremi ili akademskom zvanju,
 - c. izvod iz matične knjige rođenih,
 - d. uvjerenje o državljanstvu (ne starije od šest mjeseci od dana objavljivanja konkursa),
 - e. i druge dokaze o ispunjavanju uslova za to radno mjesto utvrđenim Pravilnikom o unutrašnjoj organizaciji i sistematizaciji radnih mjesta.
2. **DODATNA DOKUMENTACIJA (kopije)**
 - a. Uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko-invalidsko osiguranje,
 - b. Potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,

- c. Uvjerenje o položenom stručnom ispitu,
- d. Potvrda o vremenu provedenom na evidenciji Službe za zapošljavanje Kantona Sarajevo (ne starija od tri mjeseca),
- e. Rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- f. Rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- g. rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci),
- h. Osobe koje imaju status naveden u članu 10. stav 2. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci),
- i. Potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku F BiH (2/98 i 48/99)

Prijava kandidata koji nije dostavio dodatnu dokumentaciju će se smatrati urednom, a prijavljeni kandidati će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju Odluke o izboru radnika.

Prijave sa dokazima o ispunjavanju uslova za konkurs dostaviti na adresu:

JU OŠ „Mehmed-beg Kapetanović Ljubušak“ - SARAJEVO, ul.Braće Begić 19 71000 SARAJEVO sa naznakom – Komisiji za utvrđivanje prijedloga za izbor zaposlenika – za poziciju /pozicije na koje se konkuriše.

Nepotpune, neblagovremene i neuredne prijave, neće se uzeti u razmatranje.

Molimo kandidate da dokumentaciju dostavljaju u fotokopijama, jer se nakon okončanja javnog konkursa ista neće vraćati na adresu. Dokumentacija prijavljenih kandidata koji nisu izabrani po ovom konkursu vraća se na lični zahtjev na protokolu škole u roku od mjesec dana od okončanja konkursne procedure.

Konkurs ostaje otvoren 8 (osam) radnih dana od dana objavljivanja . Krajnji rok za podnošenje prijave je **utorak,14.08.2018. godine.**